

Na osnovu Programa utroška sredstava „Podsticaj industrijskoj proizvodnji za 2009. godinu“ na koji je Skupština Bosansko-podrinjskog kantona Goražde dala saglasnost svojom Odlukom broj:01-14-465/09 od 19.05.2009.godine, Ministar za privredu Bosansko-podrinjskog kantona Goražde, d o n o s i:

P R A V I L N I K

o izvorima sredstava, uslovima, načinu i postupku dodjele sredstava po Programu „Podsticaj industrijskoj proizvodnji za 2009. godinu“ sa uputstvom o radu komisije

Član 1.

Ovim Pravilnikom utvrđuju se izvori sredstava, uslovi, način i postupak dodjele sredstava po Programu „Podsticaj industrijskoj proizvodnji za 2009. godinu“(u daljem tekstu: Program), uputstvo o radu komisije za dodjelu sredstava, organi i tijela za provođenje programa, kao i način implementacije i utroška sredstava, te kontrola i mjere namjenskog utroška sredstava, kao i druga pitanja.

Član 2.

Za realizaciju Programa iz člana 1. ovog Pravilnika koristiće se sredstva iz kreditne linije formirane zajedničkim sredstvima Ministarstva za privredu Bosansko-podrinjskog kantona Goražde i banke odabrane putem javnog poziva.

Ukupna sredstva planirana u Budžetu Ministarstva za privredu Bosansko-podrinjskog kantona Goražde namjenjena za realizaciju Programa iznose 800.000,00 KM, od čega 640.000,00 KM se dodjeljuju putem Javnog poziva i to kao kratkoročni krediti sa rokom otplate do 5 godina i sa eventualnim grejs periodom koji će utvrditi odabrana banka, a iznos od 160.000,00 KM, se dodjeljuje putem pojedinačnih odluka Vlade Bosansko-podrinjskog kantona Goražde, koja se donosi konczynusom, kao grant sredstva, i to na prijedlog Ministarstva za privredu Bosansko-podrinjskog kantona Goražde.

Član 3

Pravo na dodjelu sredstava iz predhodnog člana imaju privredna društva registrirana u skladu sa Zakonom o privrednim društvima, sa sjedištem na području Bosansko-podrinjskog kantona Goražde, i to u sljedeće svrhe:

- održavanje postojeće proizvodnje;
- zapošljavanje i zadržavanje postojećeg broja radnika;
- znavljanje postojeće proizvodnje i usluga i proširenje kapaciteta;
- uvođenje novih proizvoda i prilagođavanje proizvodnje tržištu;
- proizvodnja i usluge za tržišta van BiH;
- supstitucija uvoza i afirmacija izvoza;
- izgradnja novih objekata i infrastrukture;
- nabavka sredstava za rad;
- prestrukturiranje proizvodnje i usluga;

- uvođenje novih tehnologija;
- uvođenje novih standarda upravljanja kvalitetom;
- subvencioniranje kamata za kredite;
- dokvalifikacija i edukacija radne snage za proizvodnju i usluge.

Član 4.

Kao korisnici ovih sredstava, mogu biti privredna društva čija je osnovna djelatnost proizvodne i uslužne djelatnosti, po sljedećim uslovima:

- da su registrovani na području Bosansko-podrinjskog kantona Goražde u skladu sa Zakonom o privrednim društvima;
- da su do sada redovno izmirivali obaveze po osnovu poreza, PIO, MIO, zdravstvo idr. ili da imaju validne ugovore ili dokaze o reprogramu obaveza iz ovog stava;
- da zapošljavaju više od 5 radnika na neodređeno vrijeme;
- da su kreditno sposobni;
- da su do sada opravdali i namjenski utrošili sredstva dodijeljena od strane Bosansko-podrinjskog kantona Goražde;
- da posjeduju investicioni program sa svim potrebnim elementima i fazama realizacije programa.

Sredstva ne mogu dobiti privredna društva koja:

- su u stečaju ili likvidaciji;
- kojima je odlukom nadležnog organa zabranjeno obavljanje djelatnosti;
- protiv kojih se vodi postupak prinudne naplate zbog neizmirenih obaveza iz ovog člana;
- koja su kažnjavana zbog privrednih prijestupa.

Član 5.

Prednost pri dobijanju kreditnih sredstava imaju privredna društva koja pored gore navedenih uslova imaju:

- sačinjen plan ulaganja i utroška kreditnih sredstava;
- projekciju finansijskih efekata ulaganja;
- plan otplate kredita;
- koja do sad nisu koristila nikakva sredstva od Ministarstva za privredu;
- koja zapošljavaju veći broj radnika.

Član 6.

Grand sredstva planirana u iznosu od 160.000,00 KM će se dodijeljivati privrednim društvima po osnovu Odluka Vlade Bosansko-podrinjskog kantona Goražde i to pojedinačno, a na prijedlog Ministarstva za privredu Bosansko-podrinjskog kantona

Goražde. Ova sredstva će se dodijeliti onim privrednim društvima koja su izuzetno pogođena teškom ekonomskom krizom a pogotovu ona društva:

- kojima prijete naglo zaustavljanje proizvodnje i usluga;
- kojima je već zaustavljen proces proizvodnje i pružanje usluga;
- koja su već otkazala ili moraju otkazati ugovore o radu za radnike;
- kojima su poslovni partneri, kupci ili korisnici usluga otkazali ugovore o poslovnoj saradnji;
- kojima su blokirani računi kao rezultat neizmirenih obaveza;
- i koji imaju više od 5 uposlenih u stalnom radnom odnosu.

Član 7.

Sredstva utvrđena u članu 2. ovog Pravilnika u iznosu od 640.000,00 KM, će se dodijeljivati po osnovu Javnog poziva koji objavljuje Ministarstvo za privredu Bosansko-podrinjskog kantona Goražde. Javni poziv će biti otvoren najmanje 15 dana i isti će biti objavljen na službenim oglasnim pločama kantona i sredstvima javnog informisanja, a sve u cilju zadovoljenja načela javnosti i transparentnosti dodjele sredstava, a privredna društva kao potencijalni korisnici sredstava će u roku u objavljenom javnom pozivu moći aplicirati za dodjelu sredstava. Za provođenje Javnog poziva formirat će se Komisija za dodjelu sredstava

koju će činiti lica sa odgovarajućom stručnom spremom, ekonomske, tehničke ili pravne struke, a Komisiju će svojim aktom formirati Ministarstvo za privredu Bosansko-podrinjskog kantona Goražde u saglasnost Vlade Bosansko-podrinjskog kantona Goražde, koja će brojati 5 članova.

Član 8.

Komisija iz člana 5. ovog pravilnika će raditi u skladu sa programom, ovim pravilnikom i javnim pozivom a odluke komisije će se donositi na sjednicama komisije konsenzusom ili većinom glasova svih prisutnih članova komisije.

Komisija ima ovlaštenje da u slučaju nejasnoća iz dostavljene dokumentacije odnosno aplikacija zatraži određena pojašnjenja od strane ovlaštenih osoba privrednog društva, a ista nema pravo sugerisati ili samovoljno vršiti bilo kakve izmjene ili druge tehničke ispravke u dostavljenoj dokumentaciji. U aktu o formiranju komisije odrediće se predsjednik komisije i tehnički sekretar komisije. O svom radu komisija je dužna da vodi zapisnik i da na kraju svog zadatka sačini izvještaj o radu.

Tačni zadaci, rok izvršenja zadatka, kao i ostale pojedinosti u radu komisije odrediće se u aktu o formiranju komisije.

Član 9.

Za provođenje programa kao i za ostale aktivnosti na realizaciji istog biće zadužena radna tijela odnosno komisije, Ministarstvo za privredu, Ministarstvo za finansije i Vlada Bosansko-podrinjskog kantona Goražde kao i banka koja će biti odabrana za plasman sredstava.

Član 10.

Konačne odluke oko raspodjele odnosno dodjele svih sredstava će donositi Vlada Bosansko-podrinjskog kantona Goražde na prijedlog resornog Ministarstva odnosno radnih tijela i komisija.

Dalji postupak nakon donošenja odluka vlade će provoditi odabrana banka prema pravilima banke i ista će sredstva doznječavati privrednim društvima sa kojima će se zaključivati ugovori o kreditu, dok će grant sredstva u skladu sa odlukama vlade biti direktno doznječavana privrednim društvima.

Član 11.

Kontrolu povrata kreditnih sredstava će vršiti banka prema pravilima banke i u skladu sa instrumentima za obezbjeđenje povrata sredstava. Kontrolu namjenskog utroška sredstava će vršiti određena komisija koju će formirati Ministarstvo za privredu uz saglasnost Vlade Bosansko-podrinjskog kantona Goražde.

Član 12.

Ovaj pravilnik stupa na snagu danom stupanja odnosno donošenja Programa utroška sredstava „Podsticaj industrijskoj proizvodnji“ za 2009.godinu i isti je njegov sastavni dio, te će se objaviti zajedno sa programom .

MINISTAR

Mustafa Kurtović prof.

Broj: 04- 14-1081-3/09
Goražde,06.05.2009.godine